

Universitäts- und Landesbibliothek Tirol

Hungaria Fida Austriæ

Fonovich, János

Tyrnaviæ, 1743

Illustrissimi, Perillustres, Reverendi, Praenobiles, Nobiles, ac Eruditi,
Domini, Domini Neo - Baccalaurei

ILLUSTRISSIMI,
PERILLUSTRES,
REVERENDI,
PRÆNOBILES,
NOBILES, AC ERUDITI
DOMINI, DOMINI
NEO - BACCALAUREI.



*I volupe est meminissela-
borum longè jucundis-
simum sit, oportet, pro
his præmia, ceu toti-
dem rei præclarè gestæ testes, nan-*

cisci. Quod utrumque lætitiæ argumentum; illud quidem: quia superatis Logicæ ænigmatibus lucem ingenio attulistis; hoc verò: quia Philosophia publicos meritis Vestris honores decrevit; cùm Vos hodie ex æquo nactos esse conspiciamus, nihil antiquius habuimus, quàm ut in partem lætitiæ Vestræ veniremus, & qualicumque oblato munere plausum caneremus. Est enim id cum aliis omnibus familiare, tum Musis maximè proprium, ac singulare, ut prosperè gesta meritis prosequantur laudibus, & rellatas ex utraque Palæstra Lauros gratulentur. Neque diu, quid potissimum & præsentis diei celebritate dignum, & Sapientiæ Vestræ apprimè accommodatum adferamus, ambigendum fuit, postquam oculis spectavimus Patriæ nostræ fidelitatem, quam Austriæ in ancipiti admodum bello armata suorum manu abundè probavit.

Quid

Quid enim ad augendam lætitiā, & commendandas Laureas Vestras appositum magis; quàm inscribere honori Vestro Patriæ Viros, qui eodem, quo Vos tempore in literariam, in martiam descenderunt arenam? illi armis; Vos ingenio: illi non sinè sanguine; Vos copioso sudore: illi pro Rege, & Patria; Vos pro veritate, modo quidem dispari, labore tamen eodem: utrique bene, præstantiùs neutri pugnaſtis, quia eadem utroſque Laurea, honor manet. Quòd si verò ad decus Vestrum è munere nostro nihil accesserit, non id huic; sed illi, quod magnitudine sua nobis omnem gratulationis facultatem ademit, tribuite. Ad eam quippe hodie gloriam eveſti eſtis, ad quam nobis nondum aspirare licet. Accipite itaque hanc qualemcunque operam nostram, nec pretium ejus è charta, sed ex animo nostro metiamini. Quò,

*ut Vobis Baccae, quibus Sapiencia
Vos hodie ornat, in Philosophiae sub-
inde, ac in amplissimas olim in utra-
que Republica dignitatum Lauros
efflorescant, precamur*

HONORI VESTRO

Devoti

POETÆ TYRNAVIENSES.